



Na osnovu Sporazuma o grantu podrške Državnom projektu stambenog zbrinjavanja između Razvojne banke Vijeća Evrope i Bosne i Hercegovine u vezi sa Regionalnim programom stambenog zbrinjavanja, Ministarstvo za ljudska prava i izbjeglice Bosne i Hercegovine objavljuje

## JAVNI POZIV za prikupljanje prijava za angažman vanjskih saradnika

Naručilac posla, Ministarstvo za ljudska prava i izbjeglice Bosne i Hercegovine poziva zainteresovane osobe, koje ispunjavaju uslove iz ovog poziva, na podnošenje prijava radi zaključivanja ugovora o djelu sa saradnicima na podršci implementacije Državnog projekta stambenog zbrinjavanja (DPSZ) u okviru Regionalnog stambenog programa (RSP).

Ugovori se zaključuju do kraja 2018. godine, sa mogućnošću produženja po potrebi.

Potencijalni kandidati ne mogu biti državni službenici, zaposlenici, niti angažovani kao vanjski saradnici ili eksperti na drugim projektima. Izabrani vanjski saradnici biće angažirani na puno radno vrijeme, o čemu će se voditi odgovarajuća evidencija izvršavanja poslova, a u skladu sa opisima poslova kako slijedi:

### 1. Tehnički saradnici (više izvršilaca)

- Praćenje tenderske i ugovaračke procedure;
- Praćenje progressa svakog pojedinačnog projekta u skladu sa potpisanim ugovorima, od početne faze projektovanja do izvođenja radova na rekonstrukciji/izgradnji objekata:
  - Detaljan pregled projektne dokumentacije sa stručnim osvrtom na propuste i sugestijama u cilju preventivnog djelovanja na javljanje problema u budućoj realizaciji projekta i unaprijeđenju kvalitete projektne dokumentacije;
  - Obavljanje terenskih posjeta objekata u izgradnji u svrhu utvrđivanja dinamike izvođenja radova i stručne provjere očekivanog kvaliteta radova;
  - Prisustvo na tehničkom prijemu i primopredaji izvedenih radova;
  - Prisustvo na konačnom obračunu izvedenih radova;
- Obavljanje terenskih posjeta lokacijama izgradnje objekata u cilju stručne analize stanja infrastrukture (vodovod, kanalizacija i struja), što uključuje tehničku procjenu parametara na terenu i usvajanje idejnog rješenja, te procjene troškova za sanaciju/izgradnju infrastrukture;
- Izrada Izvještaja o statusu projekta DPSZ-RSP na osnovu prikupljenih informacija;
- Stručna mišljenja i prijedlozi za unaprijeđenje implementacije projekta DPSZ;
- Obavljanje i drugih složenih tehničkih zadataka u zavisnosti od potreba DPSZ po nalogu Koordinatora za održivost i Koordinatora za monitoring MLJPI u Timu za koordinaciju i vođenje DPSZ.

Pored opštih uslova kandidati trebaju ispunjavati i sljedeće posebne uslove:

- VII stepen stručne sprema tehničkog smjera, prednost imaju inženjeri građevine i arhitekture;
- poznavanje rada na računaru,
- položen vozački ispit B kategorije
- prednost imaju kandidati sa iskustvom u radu na projektima,

Regionalni stambeni program finansira i podržava međunarodna zajednica



Regionalni stambeni program (RSP) ima za cilj da obezbijedi trajna rješenja za stambeno zbrinjavanje raseljenih lica nastalih nakon sukoba na teritoriji bivše Jugoslavije u periodu od 1991-1995. godine. RSP sprovode Bosna i Hercegovina, Hrvatska, Crna Gora i Srbija, a finansira najvećim dijelom međunarodna donatorska zajednica. Glavni donator je Evropska Unija. Ostali donatori su Njemačka, Italija, Norveška, Švajcarska, Danska, Turska, Luksemburg, Kipar, Rumunija, Republika Češka, Republika Slovačka i Mađarska.

## **2. Administrativni asistent**

- Priprema dokumentacije DPSZ, sortiranje i fajliranje;
- Izrada različitih komunikacijskih dokumenata (mailovi, pisma i sl.);
- Vođenje zapisnika sa sastanaka;
- Obavljanje sekretarskih dužnosti i asistiranje Timu za koordinaciju i vođenje DPSZ;
- Obavljanje i drugih zadataka u zavisnosti od potreba projekta po nalogu vodećeg koordinatora i glavnog menadžera u MLJPI Timu za koordinaciju i vođenje DPSZ.

Broj izvršilaca: 1 (jedan)

Pored opštih uslova kandidati trebaju ispunjavati i sljedeće posebne uslove:

- VII stepen stručne spreme društvenog smjera,
- prednost imaju kandidati sa iskustvom u radu na projektima,
- odlično poznavanje rada na računaru (MS Office).

**Prijave sa profesionalnom biografijom i dokazima o stručnoj spremi, dostavljaju se na e-mail adresu: [rhp@mhrr.gov.ba](mailto:rhp@mhrr.gov.ba)**

**Prijave se dostavljaju u roku od 7 dana od dana objavljivanja na internet stranici [www.mhrr.gov.ba](http://www.mhrr.gov.ba) i oglasnoj ploči Ministarstva za ljudska prava i izbjeglice Bosne i Hercegovine.**

MINISTRICA  
Semiha Borovac, s. r.

Sarajevo, 12. 11. 2018. godine